

САНХҮҮ ЭДИЙН ЗАСГИЙН ИХ СУРГУУЛИЙН ОЮУТНЫ ХОЛБООНЫ КЛУБИЙН ЗӨВЛӨЛИЙН ДҮРЭМ

1-р зүйл. Нийтлэг үндэслэл

- 1.1. Уг дүрмээр Санхүү эдийн засгийн их сургууль /цаашид СЭЗИС гэх/-ийн оюутны клубийн Оюутны холбоо, Оюутанд үйлчлэх төв, клуб хооронд баримтлах харилцааг зохицуулна..

2-р зүйл. Клубийн зөвлөл

- 2.1. СЭЗИС-ийн Клубийн зөвлөл /цаашид КЗ гэх/ нь тус сургуулийн үйл ажиллагаа идэвхтэй явуулж буй албан ёсны клубуудийн төлөөлөл бөгөөд тэдний хамтын ажиллагаа, нэгдсэн зорилго, төсвийн хуваарилалт ба хяналтыг зохицуулна.
- 2.2. КЗ-ийг Оюутны Чуулганаас байгуулна.
- 2.3. КЗ-ийг Оюутны Чуулганаас байгуулж байгаа учраас Оюутны холбооны шууд салбар байгууллага мөн. Тиймээс КЗ-д гишүүн бус ямарваа нэг оюутны түр болон байнгын бүлгэм, клубд Оюутны холбооноос төсөв баталж болохгүй.
- 2.4. КЗ-ийн дүрэм, түүний үйл ажиллагаа нь Оюутны Чуулганаас баталсан бүх дүрэм, журамд нийцтэй байна.
- 2.5. КЗ нь итгэмжлэгдсэн болон ажиглагч гишүүнээс бусад хэлбэрээр СЭЗИС дээр оршиж буй аливаа клуб, оюутны түр болон байнгын бүлгэмийн үйл ажиллагаанд хариуцлага хүлээхгүй.
- 2.6. КЗ үйл ажиллагаагаа Клубийн зөвлөлийн Нэгдсэн хуралдаан

3-р зүйл. Клубийн зөвлөлийн бүтэц

- 3.1. КЗ нь дараах бүтэцтэй. Үүнд:
 - 3.1.1. КЗ-ийн итгэмжлэгдсэн гишүүд
 - 3.1.2. КЗ-ийн ажиглагч гишүүд
 - 3.1.3. Нэгдсэн хуралдаан
 - 3.1.4. Зөвлөлийн Тэргүүн
 - 3.1.5. Хяналтын хороо
 - 3.1.6. Төсвийн хороо

4-р зүйл. Клубийн зөвлөлийн гишүүнчлэл

- 4.1. КЗ дараах төрлийн гишүүнчлэлтэй. Үүнд:
 - 4.1.1. Итгэмжлэгдсэн гишүүн
 - 4.1.2. Ажиглагч гишүүн
- 4.2. Итгэмжлэгдсэн гишүүн гэдэг нь үйл ажиллагаа нь тогтвортой, ноцтой зөрчил гаргаагүй, КЗ-ийн үйл ажиллагаанд идэвхтэй ажилладаг итгэмжлэгдсэн клубийн 1 төлөөлөгч юм.
- 4.3. Итгэмжлэгдсэн гишүүн дараах бүрэн эрхтэй. Үүнд:
 - 4.3.1. Нэгдсэн хуралдаанд саналын нэг эрхтэй;
 - 4.3.2. Нэгдсэн хуралдаанд үг хэлэх, асуулт асуух, тодруулга авах, санал өргөн барих эрхтэй;
 - 4.3.3. Төлөөлж буй клубийн үйл ажиллагааны семестрийн болон жилийн тайланг, Хяналтын хороо, Нэгдсэн хуралд танилцуулах;
- 4.4. Итгэмжлэгдсэн гишүүний бүрэн эрх дараах тохиолдолд дуусгавар болно. Үүнд:
 - 4.4.1. Нас барсан
 - 4.4.2. Шүүхээс гэмт хэрэг хийсэн нь тогтоогдсон
 - 4.4.3. Төлөөлж буй клуб нь итгэмжлэгдсэн гишүүнийг эргүүлэн татаж, шинэ төлөөлөгч илгээсэн;
 - 4.4.4. Төлөөлж буй клуб нь зөрчил гаргаж итгэмжлэлээ цуцлуулсан;
 - 4.4.5. Зөвлөлийн үйл ажиллагаанд идэвхгүй оролцож, Нэгдсэн хуралдаанаас гишүүнчлэлийг цуцлах шийдвэр гаргаж, өөр төлөөлөгч илгээх зааварчилгааг төлөөлж буй клубд нь илгээсэн;
- 4.5. Доорх шинж чанарын аль нэгийг хангасан клубийн төлөөлөгчийн ажиглагч гишүүн гэнэ. Үүнд:

- 4.5.1.Шинээр бүртгэгдсэн цаашдаа итгэмжлэгдсэн гишүүн болох сонирхолтой клуб;
 - 4.5.2.Зөрчлийн улмаас итгэмжлэлээ цуцлуулсан клуб.
 - 4.6. Ажиглагч гишүүн дараах бүрэн эрхтэй. Үүнд:
 - 4.6.1.Нэгдсэн хуралдаанд ажиглагчаар оролцох;
 - 4.6.2.Нэгдсэн хуралдаанд үг хэлэх, асуулт асуух, тодруулга авах
 - 4.6.3.Нэгдсэн хуралдаанд төсөв өргөн мэдүүлэх;
 - 4.6.4.Төлөөлж буй клубийн үйл ажиллагааны семестрийн болон жилийн тайланг, Хяналтын хороо, Нэгдсэн хуралд танилцуулах;
 - 4.7. Ажиглагч гишүүний бүрэн эрх дараах тохиолдолд дуусгавар болно. Үүнд:
 - 4.7.1.Нас барсан
 - 4.7.2.Шүүхээс гэмт хэрэг хийсэн нь тогтоогдсон
 - 4.7.3.Төлөөлж буй клуб нь ажиглагч гишүүнийг эргүүлэн татаж, шинэ төлөөлөгч илгээсэн;
 - 4.7.4.Төлөөлж буй клуб нь зөрчил гаргаж КЗ-д харьяалалгүй болсон;
 - 4.7.5.Зөвлөлийн үйл ажиллагаанд идэвхгүй оролцож, Нэгдсэн хуралдаанаас гишүүнчлэлийг цуцлах шийдвэр гаргаж, өөр төлөөлөгч илгээх зааварчилгааг төлөөлж буй клубд нь илгээсэн;
 - 4.7.6.Итгэмжлэгдсэн гишүүн болж дэвшсэн;
 - 4.8. Ажиглагч гишүүнийг итгэмжлэхдээ дараах дэгийг баримтална.
 - 4.8.1.Ажиглагч гишүүн 2 семестрийн турш ноцтой зөрчил гаргаагүй, төлөөлж буй клуб нь үйл ажиллагаагаа тасралтгүй зохион байгуулж, стандартын дагуу тайлагнасан тохиолдолд итгэмжлэгдэх хүсэлтээ Хяналтын хороонд өргөн барина.
 - 4.8.2.Хяналтын хороо уг хүсэлтийг хэлэлцэж эхний шатны дүгнэлт гаргаж, улмаар Нэгдсэн хуралдаанаар хэлэлцүүлэхээр өргөн барина.
 - 4.8.3.Нэгдсэн хуралдаанаар тухайн клубийг итгэмжлэх эсэхийг хэлэлцэж, шийдвэр гаргана.**
- 5-р зүйл. Клубийн зөвлөлийн Нэгдсэн хуралдаан**
- 5.1. КЗ-ийн Нэгдсэн хуралдаан /цаашид Нэгдсэн хуралдаан гэх/ нь бүх итгэмжлэгдсэн гишүүн, ажиглагч гишүүдээс бүрдэнэ.
 - 5.2. КЗ-ийн бүх итгэмжлэгдсэн гишүүдийн 2/3-оос дээш нь бүрэлдсэн тохиолдолд Нэгдсэн хуралдааныг хүчинтэйд тооцно.
 - 5.3. Хүчинтэйд тооцогдсон Нэгдсэн хуралдаан энэ дүрэмд өөрөөр заагаагүй бол аливаа асуудлыг энгийн олонхын саналаар ил санал хураалтаар шийдвэрлэнэ.
 - 5.4. Нэгдсэн хуралдааны дэг нь Оюутны Чуулганы дэгтэй адил байна.
 - 5.5. Нэгдсэн хуралдааны санал хураалтад зөвхөн итгэмжлэгдсэн гишүүд оролцоно.
 - 5.6. Нэгдсэн хуралдаанд итгэмжлэгдсэн ба ажиглагч гишүүн өөрийн клубийн нэг төлөөлөгчийг оролцуулж болно. Уг төлөөлөгч саналын эрхгүй боловч, үг хэлэх эрхтэй.
 - 5.7. КЗ-ийн Нэгдсэн хуралдаан дараах бүрэн эрхтэй. Үүнд:
 - 5.7.1.Итгэмжлэгдсэн гишүүн статус олгох, цуцлах;
 - 5.7.2.Ажиглагч гишүүн статус олгох, цуцлах;
 - 5.7.3.Клубийн зөвлөлийн даргыг сонгох, чөлөөлөх;
 - 5.7.4.Оюутны холбооноос клубт зориулсан төсвийн хуваарилалт, гүйцэтгэлийн хяналтыг хийх. Ингэхдээ энэ дүрмийн 9-р зүйл, 10-р зүйлийг баримтална.
 - 5.7.5.Хяналтын хорооны гишүүнийг томилох, чөлөөлөх
 - 5.7.6.Төсвийн хорооны гишүүнийг томилох, чөлөөлөх
 - 5.7.7.Бүх клубийн хүрээнд нийтлэг стандарт тогтоох;
 - 5.7.8.КЗ-ийн жилийн зорилго, нэгдмэл үйл ажиллагаа төлөвлөх;
 - 5.7.9.Гишүүдийнхээ хөгжил дэвшлийг хангах үйл ажиллагаа зохион байгуулах
 - 5.8. КЗ-ийн ээлжит Нэгдсэн хуралдаан сар тутмын эхний долоо хоногийн Пүрэв гарагт 16 цагаас хуралдана. Хэрвээ энэ өдөр нь баярын өдөр байвал дараа долоо хоногийн Пүрэв гарагийн 16 цагт хуралдана.
 - 5.9. Ээлжит Нэгдсэн хуралдаанаар хэлэлцэх асуудлын жагсаалтыг КЗ-ийн Тэргүүн ээлжит хуралдаанаас ажлын дор хаяж 3 өдрийн өмнө бүх гишүүд рүү цахим шуудангаар илгээсэн байна.

- 5.10. Нийт итгэмжлэгдсэн гишүүдийн дор хаяж 1/3 нь ээлжит бус Нэгдсэн хуралдааныг хуралдуулах саналаа КЗ-ийн Тэргүүнд өргөн баривал, Тэргүүн ажлын 2 хоногийн дотор ээлжит бус хуралдааны товыг зарлана. Энэхүү тов хуралдуулах хүсэлт өргөн барьснаас ажлын 5 хоног дотор байвал зохино.
- 5.11.КЗ-өөс гарсан аливаа шийдвэр нь КЗ-ийн тогтоол хэлбэрээр албажна. Албажуулах ажлыг Хяналтын хороо хариуцах бөгөөд КЗ-ийн Тэргүүн гарын үсэг зурснаар хүчин төгөлдөрт тооцогдоно.

6-р зүйл. Клубийн зөвлөлийн Тэргүүн

- 6.1. Клубийн зөвлөлийн Тэргүүн /цаашид Зөвлөлийн Тэргүүн гэх/ нь КЗ-ийн үйл ажиллагааг удирдан зохион байгуулах, манлайлах чиг үүрэгтэй, уг үүргээ гүйцэтгэх хангалттай ур чадвартай, нэр хүнд бүхий итгэмжлэгдсэн гишүүн юм.
- 6.2. Зөвлөлийн Тэргүүн нь Оюутны холбооны Удирдах зөвлөлийн гишүүн мөн.
- 6.3. Зөвлөлийн Тэргүүнийг Нэгдсэн хурлаас олонхын саналаар 1 жилийн хугацаатайгаар сонгоно.
- 6.4. Зөвлөлийн Тэргүүн нь дараах бүрэн эрхтэй. Үүнд:
- 6.4.1.Оюутны холбооны Удирдах зөвлөлийн гишүүнд олгогдсон бүх бүрэн эрх;
- 6.4.2.КЗ-ийн үйл ажиллагааг тогтвортой явуулахад шаардлагатай түр ажлын хэсэг байгуулж, бүрэн эрхийг нь тодорхойлох;
- 6.4.3.Нэгдсэн хуралдааныг даргалах;
- 6.4.4.Хяналтын хороо, Төсвийн хороонд дүрэмд нийцсэн үүрэг даалгавар өгч, биелэлтийг хянах
- 6.5. Зөвлөлийн Тэргүүний бүрэн эрх дараах тохиолдолд дуусгавар болно. Үүнд:
- 6.5.1.Нас барсан;
- 6.5.2.Шүүхээс гэмт хэрэг хийгдсэн нь тогтоогдсон;
- 6.5.3.Өөрийн хүсэлтээр чөлөөлөгдөх хүсэлтээ өргөн барьсныг, Нэгдсэн хуралдаанаар хэлэлцэж чөлөөлсөн;
- 6.5.4.Оюутны Чуулганаас бүрэн эрхийг нь түдгэлзүүлсэн;
- 6.5.5.Нийт итгэмжлэгдсэн гишүүдийн дор хаяж 1/3 нь Зөвлөлийн Тэргүүнд итгэл үл үзүүлэн халах санал өргөн барьсныг Нэгдсэн хурлаар хэлэлцэж чөлөөлсөн. Энэ үед Нэгдсэн хуралдааныг Хяналтын хорооны дарга даргална.
- 6.6. Зөвлөлийн Тэргүүн түр хугацаанд өөрийн бүрэн эрхээ хэрэгжүүлэх боломжгүй тохиолдолд Хяналтын хорооны дарга Зөвлөлийн Тэргүүний бүрэн эрхийг хэрэгжүүлнэ.
- 6.7. Клубийн зөвлөлийн даргын бүрэн эрхийнхээ хүрээнд гаргасан шийдвэр нь КЗ-ийн тогтоол хэлбэрээр албажна. Албажуулах ажлыг Хяналтын хороо хариуцах бөгөөд КЗ-ийн Тэргүүн гарын үсэг зурснаар хүчин төгөлдөрт тооцогдоно.

7-р зүйл. Хяналтын хороо

- 7.1. Хяналтын хороо дотоод үйл ажиллагаа болон төсвийн гүйцэтгэл, тайлан, зөрчилтэй холбогдох ажлыг гүйцэтгэнэ.
- 7.2. Хяналтын хороо нь 5 гишүүнтэй байна.
- 7.3. Хяналтын хорооны гишүүдийг Нэгдсэн хурлаас 1 жилийн хугацаатай томилно.
- 7.4. Хяналтын хорооны гишүүний бүрэн эрх дараах тохиолдолд дуусгавар болно. Үүнд:
- 7.4.1.Нас барсан;
- 7.4.2.Шүүхээс гэмт хэрэг хийгдсэн нь тогтоогдсон;
- 7.4.3.Өөрийн хүсэлтээр чөлөөлөгдөх хүсэлтээ өргөн барьсныг, Нэгдсэн хуралдаанаар хэлэлцэж чөлөөлсөн;
- 7.4.4.Итгэмжлэгдсэн гишүүдийн 15% нь Хяналтын хорооны гишүүнд итгэл үл үзүүлэн халах санал өргөн барьсныг Нэгдсэн хурлаар хэлэлцэж чөлөөлсөн;
- 7.5. Хяналтын хороо олонхын саналаар аливаа асуудлыг шийдвэрлэнэ.
- 7.6. Хяналтын хороо бүрэлдмэгц даргаа сонгох ба дарга нь хурлыг удирдан зохион байгуулна. Хяналтын хорооны эхний хурлыг Клубийн зөвлөлийн Тэргүүн удирдаж даргыг нь сонгуулна.
- 7.7. Хяналтын хороо нь дотоод үйл ажиллагааны чиглэлд дараах бүрэн эрхтэй. Үүнд
- 7.7.1.КЗ-ийн бүх шатны баримт бичиг, мэдээллийг хариуцаж, ил тод байдлыг хангах;

- 7.7.2.КЗ-ийн Нэгдсэн хуралдааныг зохион байгуулах бэлтгэл, танхим, техник хэрэгслийг хариуцах;
- 7.7.3.Итгэмжлэлийг батлах ба цуцлах саналыг урьдчилсан шатанд хэлэлцэж, дүгнэлт гарган, Нэгдсэн хуралдаанд хэлэлцүүлэх бэлтгэлийг хангаж, санал оруулах
- 7.8. Хяналтын хороо нь төсвийн гүйцэтгэл тайлагналтай холбоотой дараах бүрэн эрхтэй. Үүнд:
 - 7.8.1.Батлагдсан үйл ажиллагаа зохих ёсоор хэрэгжсэн эсэхийг үнэлж дүгнэлт гаргах;
 - 7.8.2.Батлагдсан төсөв зохих ёсоор зарцуулагдсан эсэхийг үнэлж дүгнэлт гаргах;
 - 7.8.3.Нэгдсэн хуралдаанд үйл ажиллагааны тайлан, төсвийн мэдээллийг нэгтгэн танилцуулах;
 - 7.8.4.Төсөв, үйл ажиллагаатай холбоотой аливаа зөрчлийг Нэгдсэн хуралдаанд хэлэлцүүлэх
- 7.9. Хяналтын хороо нь зөрчилтэй холбогдох асуудлын хүрээнд дараах бүрэн эрхтэй. Үүнд:
 - 7.9.1.Аливаа зөрчил гарсан эсэх талаар хяналт шалгалт хийх;
 - 7.9.2.Зөрчил гарсан гэж үзвэл зохих арга хэмжээ авах талаар Нэгдсэн хуралдаанд санал оруулах;
 - 7.9.3.Нэгдсэн хуралдаанаас зөрчилтэй холбоотой гаргасан шийдвэрийн хэрэгжилтийг хангах, эргэн тайлагнах

8-р зүйл. Төсвийн хороо

- 8.1. Төсвийн хороо нь гишүүдээс өргөн барьсан төсвийг үнэлэх, төсөвлөлт хэр бодитой, үндэслэлтэй гаргасан байгаад үнэлэлт өгөх зорилготой.
- 8.2. Төсвийн хороо нь 5 гишүүнтэй байна.
- 8.3. Төсвийн хорооны 4 гишүүнийг Нэгдсэн хурлаас 1 жилийн хугацаатай томилно.
- 8.4. Төсвийн хорооны 1 гишүүнийг Оюутны холбооны Удирдах зөвлөлөөс КЗ-ийн гишүүн биш этгээдийг томилно.
- 8.5. Төсвийн хорооны гишүүний бүрэн эрх дараах тохиолдолд дуусгавар болно. Үүнд:
 - 8.5.1.Нас барсан;
 - 8.5.2.Шүүхээс гэмт хэрэг хийгдсэн нь тогтоогдсон;
 - 8.5.3.Өөрийн хүсэлтээр чөлөөлөгдөх хүсэлтээ өргөн барьсныг, Нэгдсэн хуралдаанаар хэлэлцэж чөлөөлсөн;
 - 8.5.4.Итгэмжлэгдсэн гишүүдийн 15% нь Төсвийн хорооны гишүүнд итгэл үл үзүүлэн халах санал өргөн барьсныг Нэгдсэн хурлаар хэлэлцэж чөлөөлсөн;
- 8.6. Төсвийн хороо олонхын саналаар аливаа асуудлыг шийдвэрлэнэ.
- 8.7. Төсвийн хороо бүрэлдмэгц даргаа сонгох ба дарга нь хурлыг удирдан зохион байгуулна. Төсвийн хорооны эхний хурлыг Клубийн зөвлөлийн Тэргүүн удирдаж даргыг нь сонгуулна.

9-р зүйл. Төсөв хэлэлцэх үе шат

- 9.1. Оюутны холбооноос итгэмжлэгдсэн болон ажиглагч клубүүдэд төсөв хуваарилах үед дараах үе шатыг баримтална. Үүнд:
 - 9.1.1.Төсвийн хороо бүх клубийн төсвийг улирлаар 2-р долоо хоногийн пүрэв гарагийн 16 цагаас өмнө хүлээн авна.
 - 9.1.2.Нийт өргөн барьсан төсвийн дүн ба боломжит төсвийн хязгаарлалтыг төсвийн хорооноос 2-р долоо хоногийн пүрэв 18 цагт танилцуулна.
 - 9.1.3.Төсвийн хороо өргөн барьсан хөтөлбөрийг бусад клубүүд хамтран гүйцэтгэх боломжтой талаар дүгнэлт гаргана.
 - 9.1.4.Төсвийн хороо хэлэлцэх төсвийн дарааллыг гаргаж Нэгдсэн хуралд танилцуулна. Ингэхдээ хамгийн олон клуб хамтарсан төсвийг эхний ээлжид хэлэлцэнэ. Түүний дараа бие даасан төсвүүдийг хэлэлцэнэ. Төсвийг хэлэлцэх үед төсвийн хэмжээг голчлох бус ач холбогдлыг голчилно.
 - 9.1.5.Төсвийг Нэгдсэн хуралдаанаар 3-р долоо хоногт багтаан хэлэлцэж дуусгана.
- 9.2. Төсөвгүй үйл ажиллагааны төлөвлөгөөтэй Төсвийн хороо танилцаж, үнэлэлт өгч болно.
- 9.3. Төсөвлөлт хийх үед дараагийн улирлын эхний хоёр долоо хоног хийгдэх ажил байгаа бол түүнийг өмнөх улирлын төлөвлөгөөнд тусгасан байх шаардлагатай.

10-р зүйл. Гүйцэтгэлийн хяналт хийх үе шат

- 10.1. Оюутны холбооноос итгэмжлэгдсэн болон ажиглагч клубийн үйл ажиллагааны тайланд хяналт тавих үед дараах үе шатыг баримтална. Үүнд:
 - 10.1.1. Хяналтын хороо клубийн тайланг улирал бүрийн 14-р долоо хоногийн пүрэв гарагийн 18 цагаас өмнө хүлээн авч дүгнэлт гаргана.
 - 10.1.2. Хяналтын хороо бүх клубийн тайланг хэлэлцсэний дараа Нэгдсэн хуралд танилцуулна.
 - 10.1.3. Хяналтын хороо явцын хяналт хийж, клубээс тодруулга авч болно.
- 10.2. Тухайн улирлын 15, 16-р долоо хоногийн үйл ажиллагааг дараагийн улирлын тайланд хамруулна.

11-р зүйл. Зөрчил ба хариуцлага

- 11.1. Дараах тохиолдолд зөрчил үүссэн гэж үзнэ. Үүнд
 - 11.1.1. Гишүүд Нэгдсэн хуралдаанд хүндэтгэн үзэхээс бусад шалтгаанаар оролцоогүй.
 - 11.1.2. Хорооны гишүүд хүндэтгэн үзэхээс бусад шалтгаанаар хуралдаа оролцоогүй.
 - 11.1.3. Төлөвлөгөөгөө стандартын дагуу, зохих хугацаанд Төсвийн хороонд өргөн бариагүй.
 - 11.1.4. Тайлангаа стандартын дагуу, зохих хугацаанд Хяналтын хороонд өргөн бариагүй.
- 11.2. Зөрчил гаргасан клубт тохирох шийтгэл оноох асуудлыг Нэгдсэн хуралдаанаар хэлэлцэнэ.
- 11.3. Зөрчилтэй холбогдох асуудлыг Клубийн зөвлөл дотоод журмаар тусгайлан шийдвэрлэнэ.
- 11.4. Зөрчилтэй холбоотой санал хураалтыг далд хураана.

12-р зүйл. Дүрэм хүчин төгөлдөр болох

- 12.1. Клубийн зөвлөлийн дүрмийг 2019 оны 3 дугаар сарын 2-ны өдрөөс эхлэн дагаж мөрдөнө.
 - 12.2. Чуулганы төлөөлөгчид, Клубийн төлөөлөгчид энэхүү дүрмийг санал нэгтгэйгээр сайшаан бүтээв. Чуулганаас сонгогдсон Удирдах зөвлөлийн гишүүд бид үүнийг гэрчлэн гарын үсгээ зурав.
- Удирдах зөвлөлийн гишүүд